

Termet dhe Kushtet e Përdorimit të Gjeoportalit

Përdorimi i faqes <http://geoportal.asig.gov.al> (Gjeoportali) nënkupton pranimin e termave dhe kushteve të mëposhtme:

Përkufizime

Për qëllime të këtij dokumenti do të zbatohen këto përkufizime:

1. “Administrator i Gjeoportalit” është Autoriteti Shtetëror për Informacionin Gjeohapësinor-“ASIG”, i cili krijon dhe mirëmban Gjeoportalin Kombëtar.
2. “Autoritet publik” është:
 - a. çdo organ i pushtetit qendror dhe vendor, që kryen funksione administrative, si dhe entet publike që kryejnë funksione administrative;
 - b. çdo person fizik ose juridik, që ka përgjegjësi ose kryen funksione publike apo që ofron shërbime publike nën kontrollin e autoriteteve të parashikuara në shkronjën “a” të kësaj pike.
3. “BIG” është Bordi i Informacionit Gjeohapësinor.
4. “Të dhëna gjeohapësinore” është çdo e dhënë që i referohet në mënyrë të drejtpërdrejtë apo të tërthortë një vendi ose zone gjeografike të veçantë.
5. “Gjeoportali” është një sistem, i cili nëpërmjet internetit përdor një ndërfaqe grafike qendrore dhe unike, nëpërmjet së cilës përdoruesit mund të zbulojnë, të shikojnë dhe të përdorin informacionin gjeohapësinor dhe shërbimet e rrjetit që lidhen me këtë informacion, sipas përcaktimeve të këtij ligji.
6. “Informacion gjeohapësinor” janë metadatat, të dhënat dhe grupet e të dhënave gjeohapësinore, që lidhen me një fenomen çfarëdo të realitetit, gjeoreferencimi i të cilit mundësohet nga një sistem hapësinor koordinativ i përbashkët.
7. “Shërbime për informacionin gjeohapësinor” janë operacionet që mund të realizohen, përmes aplikacioneve kompjuterike, për informacionin gjeohapësinor, të dhënat dhe grupet e të dhënave gjeohapësinore ose për metadatat që lidhen me to
8. “Infrastruktura kombëtare e informacionit gjeohapësinor” është infrastruktura që përfshin autoritetet kombëtare përgjegjëse për të dhënat gjeohapësinore, metadatat, grupet e të dhënave gjeohapësinore dhe shërbimet e të dhënave gjeohapësinore, shërbimet e rrjetit dhe teknologjitë, marrëveshjet për shkëmbimin, aksesin dhe përdorimin, si dhe mekanizmat e koordinimit e të monitorimit, proceset dhe procedurat, të krijuara, të vëna në veprim ose të vëna në dispozicion në përputhje ligjin 72/2012.
9. “Përdorues” është çdo individ, person fizik apo juridik që përdor Gjeoportalin.

I. Të përgjithshme

1. Aksesit në informacionin gjeohapësinor dhe shërbimet e informacionit gjeohapësinor rregullohet nga:

- a. Ligji nr. 72/2012 datë 28.06.2012 “Për Organizimin dhe Funksionimin e Infrastrukturës Kombëtare të Informacionit Gjeohapësinor në Republikën E Shqipërisë”
- b. Ligji Nr. 10 325, datë 23.9.2010 “Për Bazat e të Dhënave Shtetërore”
- c. VKM Nr. 147 datë 20.02.2013 “Për Miratimin e Rregullores “Për Organizimin dhe Funksionimin e Autoritetit Shtetëror për Informacionin Gjeohapësinor””
- d. Urdhër Nr. 87, datë 25.7.2013 i azhornuar (ndryshuar me Urdhërin nr. 235 datë 3.12.2013) “Për Përbërjen, Organizimin dhe Funksionimin e Bordit për Informacionin Gjeohapësinor”

2. Termat dhe kushtet e përcaktuara në këtë dokument janë të vlefshme për:

- a. Përdoruesit privatë
- b. Institucionet publike

3. Çdo përdorues i Gjeoportalit duhet të njihet me kushtet dhe rregullat e përdorimit përpara se të përdorë Gjeoportalin.

4. Përdoruesit dhe institucionet publike janë të detyruar të përdorin Gjeoportalin në përputhje me ligjin nr. 72/2012 Për Organizimin dhe Funksionimin e Infrastrukturës Kombëtare të Informacionit Gjeohapësinor në Republikën e Shqipërisë” dhe me kushtet e këtij dokumenti.

II. Llojet dhe shtrirja e shërbimeve

Të dhënat dhe shërbimet gjeohapësinore të vëna në dispozicion nëpërmjet Gjeoportalit të përkohshëm përfshijnë:

- a. Konsultimin, me anë të të cilave bëhen të mundur minimalisht shfaqja, lundrimi, zmadhimi apo zvogëlimi, shtresëzimi i grupeve të të dhënave gjeohapësinore që shfaqen dhe shfaqja e legjendës së informacionit dhe të çdo përmbajtjeje relevante të metadatave;

III. Kushtet / rregullat për përdorimin e të dhënave dhe shërbimeve nga përdoruesit

1. Aksesit ndaj shërbimit të konsultimit të referuara në Kapitullin II, aktualisht është në dispozicion të individëve, personave fizikë e juridikë dhe autoriteteve publike pa pagesë.

2. Pas ndërtimit të Gjeoportalit Kombëtar të përhershëm, ASIG në përputhje me nenin 26 të ligjit 72/2012 “Për Organizimin dhe Funksionimin e Infrastrukturës Kombëtare të Informacionit Gjeohapësinor në Republikën E Shqipërisë”, aplikon tarifa për këtë shërbim (në rastet kur vendosja e kësaj tarife justifikohet nga kostot veçanërisht të larta të krijimit dhe përditësimit të të dhënave gjeohapësinore të caktuara) si dhe për shërbimet e shkarkimit dhe transformimit. Tarifat miratohen me VKM sipas përcaktimit të menit 26 të ligjit 72/2012

3. Përdoruesit kanë të drejtë të përdorin burimet e Gjeoportalit vetëm për qëllime jo-fitimprurëse dhe jo-komerciale, në përputhje me parashikimet e ligjit 72/2012 “Për Organizimin dhe Funksionimin e Infrastrukturës Kombëtare të Informacionit Gjeohapësinor në Republikën E Shqipërisë” dhe ligjit nr. 9380 datë 28.04.2005 “Për të drejtën e autorit dhe të drejtat e tjera të lidhura me të”

IV. Kushtet / rregullat për shkëmbimin e të dhënave gjeohapësinore nga autoritetet publike.

1. Autoritetet publike shkëmbejnë ndërmjet tyre grupet dhe shërbimet e të dhënave gjeohapësinore, të miratuara nga ASIG-u, sipas pikës 4 të nenit 12 të ligjit 72/2012 “Për Organizimin dhe Funksionimin e Infrastrukturës Kombëtare të Informacionit Gjeohapësinor në Republikën E Shqipërisë”, duke i garantuar njëri-tjetrit aksesin tek ato dhe përdorimin e tyre vetëm për qëllime të ushtrimit të funksioneve të tyre publike.
2. Aksesin në të dhënat gjeohapësinore të publikuara në Gjeoportal është pa pagesë për institucionet shtetërore në funksion të kryerjes së detyrave të tyre publike.

V. Kushtet teknike të përdorimit të të dhënave dhe shërbimeve në Gjeoportal

1. Për përdorimin e Gjeoportalit Kombëtar të të dhënave dhe shërbimeve gjeohapësinore, është e nevojshme:

- a. një lidhje interneti;
- b. një pajisje që mundëson aksesin në internet, si dhe programe (web browser, web GIS) që bëjnë të mundur shfaqjen dhe importimin e të dhënave të Gjeoportalit

2. Gjatë përdorimit të Gjeoportalit është e ndaluar:

- a. Përdorimi i viruseve, bots, worms ose kode të tjera kompjuterike, Scripts apo programe që ndërpresin, kufizojnë funksionimin e Gjeoportalit apo shërbimeve të tij, ose që lejojnë përdorimin e paautorizuar të shërbimeve me akses të kufizuar
- b. Përdorimi i kodeve kompjuterike, Scripts apo programeve automatike në përdorimin e shërbimeve të ofruara nga Gjeoportali.

VI. E drejta e autorit

Përmbajtja e kësaj faqeje dhe e burimeve të saj është e mbrojtur nga legjislacioni shqiptar në fuqi, konkretisht nga:

1. Ligji nr. 9947 datë 07.07.2008 “Për pronësinë industriale”
2. Ligji nr. 9380 datë 28.04.2005 “Për të drejtën e autorit dhe të drejtat e tjera të lidhura me të”

VII. Informacion shtesë

Për sqarime më të hollësishëm në lidhje me përmbajtjen e këtij dokumenti, mund të kontaktoni Autoritetin Shtetëror për Informacionin Gjeohapësinor, me adresë : Rruga “Papa Gjon Pali” Nr 3, Kati 2, Tiranë , e mail: info@asig.gov.al.

VIII. Dispozita të fundit

1. Këto terma dhe kushte zbatohen nga data e publikimit në Gjeoportali.
2. Këto terma dhe kushte janë pa pagesë në një format që lejon shkarkimin, dhe printimin e tyre.
3. Këto terma dhe kushte janë në përputhje me legjislacionin në fuqi posaçërisht ligjin nr. 72/2012 datë 28.06.2012 “Për Organizimin dhe Funksonimin e Infrastrukturës Kombëtare të Informacionit Gjeohapësinor në Republikën E Shqipërisë” dhe aktet nënligjore në zbatim të tij.
4. Administratori (ASIG) nuk është përgjegjës për mungesën e aksesit në Gjeoportali për arsye që nuk varen prej tij
5. Administratori(ASIG), për arsye sigurie dhe për çfarëdo shkakuj tjetër pamundësie, ka të drejtë të pezullojë përkohësisht aksesin në Gjeoportali, deri në zhdukjen e kushteve të pamundësisë.
6. Administratori i Gjeoportalit (ASIG), nuk është përgjegjës për dëmet që rrjedhin nga përdorimi i të dhënave të publikuara në Gjeoportali, që lidhen me gabime, defekte apo shtrembërime që kanë të bëjnë me autoritetin përgjegjës të krijimit të tyre apo nga mosrespektimi i termave dhe kushteve nga përdoruesit.
7. Këto terma dhe kushte mund të ndryshohen në çdo kohë dhe në çdo aspekt. Ndryshimet hyjnë në fuqi pas publikimit në faqen e Gjeoportalit.
8. Administratori i Gjeoportalit (ASIG) nuk mban përgjegjësi për saktësinë, apo cilësinë e të dhënave të pasqyruara në faqet e internetit (Gjeoportali të tjerë) të cilat mund të aksesohen përmes faqes së Gjeoportalit.